



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՍՈՒՏՆԵՐԻ ԿՈՄԻՏԵ

ք. Երևան

27 մարտի 2019թ.

ՈՐՈՇՈՒՄ ԹԻՎ 5437 -2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ ԴՆԵԼՈՒ ՄԱՍԻՆ

ՀՀ ՊԵԿ իրավաբանական վարչության հարկադիր գանձումների բաժնի գլխավոր մասնագետ Վ.Ավետիսյան, մասնակցությամբ նույն բաժնի 1-ին կարգի մասնագետ Հ.Հակոբյանի, համաձայն ՀՀ ՊԵԿ նախագահի 12.03.2019թ. թիվ ԱՇ 5437 հանձնարարագրի, ուսումնասիրելով հարկ վճարողի հարկային գործը և 14.02.2019թ. թիվ 3224-5 Ա վարչական վարույթի նյութերը.

Պ Ա Ր Զ Ե Ց Ի

«ԿՈՄՖՈՐՏ ՊԼՅՈՒՍ» ՍՊԸ-ի (ՀՎՀՀ՝ 00915754, պետ. գրանցման համարը՝ 282.110.1040265, հասցե՝ ք.Երևան, Նանսենի փող., հարակից 21) վերաբերյալ ՀՀ ՊԵԿ իրավաբանական վարչության պետի կողմից 14.02.2019թ. կայացվել է վարչական վարույթ չկատարված հարկային պարտավորությունների գանձման թիվ 3224-5 Ա որոշումը, որի շրջանակներում հարկային պարտավորությունը կազմում է 683.583 դրամ:

Գանձման ենթակա չկատարած պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Հարկ վճարողի կողմից կատարված մասնակի վճարումների արդյունքում թիվ 3224-5 Ա վարչական վարույթի շրջանակներում չկատարված հարկային պարտավորությունը կազմում է 262.441 դրամ:

ՀՀ հարկային օրենսգրքի 431-րդ հոդվածի 2-րդ մասի 1-ին և 2-րդ կետերի համաձայն «ԿՈՄՖՈՐՏ ՊԼՅՈՒՍ» ՍՊԸ-ի բանկային հաշիվներում դրամական միջոցների բացակայության հետևանքով անհրաժեշտ է ղեկավարվելով ՀՀ հարկային օրենսգրքի 431-րդ հոդվածի 2-րդ մասի 3-րդ կետով արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ հարկային օրենսգրքի 429-րդ 430-րդ և 431-րդ հոդվածներով՝

Ո Ր Ո Շ Ե Ց Ի

1. Արգելանք դնել «ԿՈՄՖՈՐՏ ՊԼՅՈՒՍ» ՍՊԸ-ի (ՀՎՀՀ՝ 00915754) պատկանող արգելադրման ենթակա այլ գույքի վրա 262.441 դրամի չափով:

2. Նրան արգելել տնօրինել, տիրապետել, օգտագործել արգելադրված այլ գույքը:

3. Որոշման պատճեն մեկ օրյա ժամկետում ուղարկել ՀՀ ՈՍ ԾՈ, ՀՀ ԱԳԿՊ կոմիտե, ՀՀ ՊԵԿ մաքսային ծառայություն և «ԿՈՄՖՈՐՏ ՊԼՅՈՒՍ» ՍՊԸ-ին:

4. Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

5. Սույն որոշումը կարող է բողոքարկվել հարկային մարմին /երկամսյա ժամկետում/ կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Սույն որոշումը ստանալու պահից Դուք նախագգուշացված եք արգելադրված այլ գույքը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Վ.Ավետիսյան


/ստորագրությունը/



Հ.Հակոբյան


/ստորագրությունը/